



**Minneapolis Lub Tuam Tsev Hauj Lwm  
Ntsig Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Nab Npawb:  
8-300

**Xuv Yim - Cov Tub Ntxhais Hluas – Cov Cai thiab Cov Txheej Txheem**

**Cov Txheej Txheem Kev Ntes Tub Ntxhais Hluas**

**8-305 Cov Tub Ntxhais Hluas– Cov Kev Ntsuam Xyuas Ntawv Tso Cai Ntes,  
Cov Ntawv Tso Cai Ntes thiab PC Cov Ntawv Thov Kom Txhom**  
10/07/08

(A-D)

Txhua zaus uas tus tub ntxhais hluas raug ceev cia los sis raug ntes, cov tub ceev xwm yuav ntsuam xyuas tus tub ntxhais hluas rau cov kev xav tau NCIC thiab cov ntawv tso cai ntes hauv zos. Tej zaum cov tub ceev xwm yuav txuas lus rau MECC los sis JDC Intake txhawm rau ua cov kev ntsuam xyuas ntawv tso cai ntes hauv zos. Cov tub ntxhais hluas uas raug ceev cia raws li daim ntawv tso cai ntes thiab tsis muaj lwm yam kev txhaum tsim nyog raug thauj mus rau JDC los sis lwm lub chaw raws li tau hais tseg nyob rau hauv daim ntawv tso cai ntes. Cov tub ceev xwm yuav ua kom tiav daim ntawv tshaj tawm CAPRS uas muaj tus khauj WT.

Nyob rau xwm txheej uas pom tias cov tub ntxhais hluas tseem muaj daim ntawv tso cai ntes los ntawm lwm lub khauj tim, cov tub ceev xwm yuav txuas lus rau JDC txhawm rau txiav txim seb yuav muab tus tub ntxhais hluas tso rau qhov twg.

Cov neeg laus uas pom tias tseem muaj Hennepin Khauj Tim daim ntawv tso cai ntes tub ntxhais hluas (thaum muaj kev txhaum nkaus xwb) yuav raug coos nyob ntawm JDC. Cov tub ceev xwm uas ntsib cov neeg laus uas pom tias muaj daim ntawv tso cai ntes tub ntxhais hluas los ntawm lwm lub khauj tim tsim nyog txuas lus rau JDC Intake txhawm rau txiav txim seb yuav thauj tus neeg ntawd mus rau qhov twg. Cov tub ceev xwm yuav ua kom tiav daim ntawv tshaj tawm CAPRS uas muaj tus khauj WT.

Thaum tus tub ntxhais hluas raug ntes raws li PC Daim Ntawv Thov Kom Txhom, ua ntej thauj mus, tus(cov) tub ceev xwm uas ntes yuav ua zoo txuas lus rau lub chaw tshawb xyuas uas phim. Yog tias txuas lus tsis tau rau lub chaw tshawb xyuas, ces tus tub ntxhais hluas yuav raug thauj mus rau JDC. Cov tub ceev xwm yuav ua kom tiav JDC daim foos Kev Muaj Cai Los Ceev Cia thiab sau tseg qhov kev txhaum xub thawj, tsis yog PCPKUP. Cov tub ceev xwm yuav tsim CCN tshiab thiab ua kom tiav daim ntawv tshaj tawm CAPRS uas muaj tus khauj PCPKUP. CCN xub thawj yuav raug muab hais nyob rau hauv kem cov ntaub ntawv "CCN Uas Tau Cuam Tshuam". Dhau li no lawm, tus(cov) tub ceev xwm uas ntes yuav ceeb toom mus rau Lub Chaw Hloov Suab Lus Mus Ua Ntawv txhawm rau thim PC Daim Ntawv Thov Kom Txhom.